

四庫全書

集部

欽定四庫全書

集部

山谷外集卷十三

四

詳校官庶吉士 臣胡鉅

檢討臣何思鈞覆勘

總校官進士 臣朱 鈐

校對官編修 臣勵守謙

謄錄監生 臣劉贊化

欽定四庫全書

山谷外集卷十三

宋 黃庭堅 撰

律詩

漁父二首

秋風淅淅蒼葭老  
波浪悠悠白鬢翁  
范子幾年思狡兔  
呂公何處兆非熊  
天寒兩岸識漁火  
日落幾人收釣筒  
不困田租與王役  
一船妻子樂無窮

草草生涯事不多短船身外豈知他  
蒹葭浩蕩雙蓬鬢  
風雨飄零一釣蓑春鮪出潛留客  
鱸秋蕖遮岸和兒歌  
莫言野父無分別解笑沈江捐汨羅

古漁父

窮秋漫漫蒹葭雨短褐休休白髮翁  
范子歸來思狡兔  
呂公何意兆非熊漁收亥日妻到市  
醉臥水痕船信風  
四海租庸人草草太平長在碧波中

題楊道人默軒

炙手權門烈火炎冷溪寒谷反幽潛輕塵不動琴橫膝  
萬籟無聲月入簾秋後絲錢誰數得春餘蒼竹自知添  
客星異日乘槎去會訪成都人姓嚴

用幾復韻題伯氏思堂

夫子勤於蘧伯玉洗心觀道得靈龜開門擇友盡三益  
清坐不言行四時風與蛛絲迴碧落日將槐影下瑤墀  
天空地迥何處覓歲計有餘心自知

贈別幾復

風驚鹿散豫章城邂逅相逢食楚苹佳友在門忘燕寢  
故人發藥見平生只今滿坐且樽酒後夜此堂還月明  
契闊愁思已知處西山影落暮江清

趙令許載酒見過

玉馬何時破紫苔南溪水滿綠徘徊買魚斫鱸須論網  
撲杏供盤不數枚廣漢威名知訟少平原樽俎費詩催  
草玄寂寂下簾幙稍得閒時公合來

和荅趙令同前韻

人生政自無閒暇忙裏偷閒得幾回紫燕黃鸝驅日月  
朱櫻紅杏落條枚詩成稍覺嘉賓集飲少先愁急板催  
親遣小童鋤草徑鳴騶早晚出城來

趙令荅詩約攜山妓見訪

晴波瀾鵲漾潭隈能使遊人判不回風入園林寒漠漠  
日移宮殿影枚枚未嘗綠蟻何妨撥宿戒紅妝莫待催  
缺月西南光景少仍須挽

一作  
擔

取燭籠來

謝趙令載酒

邂逅相將倒一壺看朱成碧倩人扶欲眠甚急須公去  
能略陶潛醉後無

次韻賞梅

安知宋玉在隣牆笑立春晴照粉光淡薄似能知我意  
幽閒元不為人芳微風拂掠生春思小雨廉纖洗暗粧  
只恐濃而一作葩委泥土今誰解合返魂香

次韻答李端叔

喜接高談若飲冰風騷清興坐來增重尋伐木君何厚



欲賦驪駒我未能  
山影北來浮匯澤  
松行東望際鍾陵  
相期爛醉西樓月  
緩帶憑欄濯鬱蒸

春近四絕句

閨後陽和臘裏回  
濛濛小雨暗樓臺  
柳條榆莢弄顏色  
便恐入簾雙燕來

亭臺經雨壓塵沙  
春近登臨意氣佳  
更喜輕寒勒成雪  
未春先放一城花

小雪晴沙不作泥  
踈簾紅日弄朝暉  
年華已伴梅梢晚

春色先從草際歸

梅英欲盡香無賴  
草色才蘇綠未勻  
苦竹空將歲寒節

又隨官柳到青春

戲題葆真閣

真常自在如來性  
肯綮修持祇益勞  
十二因緣無妙果  
三千世界起秋豪  
有心便醉聲聞酒  
空手須磨般若刀  
截斷衆流尋一句  
不離兔角與龜毛

戲贈南禪師

佛子禪心若葦林此門無古亦無今庭前栢樹祖師意  
竿上風幡仁者心草木同霑甘露味人天傾聽海潮音  
胡牀默坐不須說撥盡爐灰却數深

寄新茶與南禪師

筠焙熟香茶能鑿病眼花因甘野夫食聊寄法王家石  
鉢收雲液銅餅煮露華一甌資舌本吾欲問三車

讀晉史

天下放玄虛誰知與道俱唯餘范武子乃是晉諸儒

范甯

讀書呈幾復二首

身入羣經作蠹魚  
斷編殘簡伴閒居  
不隨當世師章句  
頗識揚雄善讀書

得君真似指南車  
杖策方圖問燕居  
吾欲忘言觀道妙  
六經俱是不完書

阻水戲呈幾復二首

秋風落木秋天高  
月入金樽動酒豪  
過眼衰榮等昏曉  
勿嗟遲速把心勞

月明遙夜見秋高  
挂影依稀數兔豪  
散髮行歌野田上  
一樽可慰百年勞

寄別說道

數行嘉樹紅張錦  
一派春波綠潑油  
回望江城見歸鳥  
亂鳴雙櫓散輕鷗  
柳條折贈經年別  
蘆簷吹成落日愁  
雙鯉寄書難盡信  
有情江水尚回流

學許氏說文贈諸弟

六書章句苦支離  
非復黃神太古時  
鳥跡蟲紋皆有法

猶勝雙陸伴兒嬉

李大夫招飲

欲遣吟人對好山  
暮天和雨醉憑欄  
座中雲氣侵人濕  
砌下泉聲逼酒寒  
紅燭圍棋生死急  
清風揮麈笑談閒  
更籌報盡不成起  
車從厭厭夜已闌

南康席上贈劉李二君

伯倫酒德無人敵  
太白詩名有古風  
浪許薄才酬大雅  
長愁小戶對洪鍾  
月明如畫九江水  
天靜無雲五老峯

此賞不踈真共喜登臨歸興尚誰同

問漁父

白髮丈人持竹竿繫船留我坐柴關偶然領會一談勝  
落日使人思故山

光山道中

客子空知行路難中田耕者自高閒柳條鶯囀清陰裏  
楸樹蟬嘶翠帶間夢幻百年隨逝水勞歌一曲對青山  
出門捧檄羞閒友歸壽吾親得解顏

過方城尋七叔祖舊題

壯氣南山若可排  
今為野馬與塵埃  
清談落筆一萬字  
白眼舉觴三百盃  
周鼎不酬康瓠價  
豫章元是棟梁材  
眷然揮涕方城路  
冠蓋當年向此來

早行

失枕驚先起  
人家半夢中  
聞鷄憑早晏  
占斗辨西東  
轡濕知行露  
衣單覺曉風  
秋陽弄光影  
忽吐半林紅

新息渡淮



京塵無處可軒眉  
照面淮濱喜自知  
風裏麥苗連地起  
雨中楊樹帶煙垂  
故林歸計嗟遲暮  
久客平生厭別離  
落日江南采蘋去  
長歌柳惲洞庭詩

初望淮山

風裘雪帽別家林  
紫燕黃鸝已夏深  
三釜古人干祿意  
一年慈母望歸心  
勞生逆旅何休息  
病眼看山力不禁  
想見夕陽三徑裏  
亂蟬嘶罷柳陰陰

宿廣惠寺

鴉啼殘照下層城僧舍初寒夜氣清風亂竹枝垂地影  
霜乾桐葉落堦聲不遑將母傷今日無以為家笑此生  
都下苦無書信到數行歸鴈月邊橫

初至葉縣

白鶴去尋王子晉真龍得慕沈諸梁千年往事如飛鳥  
一日傾愁對夕陽遺老能名唐郡邑斷碑猶是晉文章  
浮雲不作苞桑計只有荒山意緒長

觀化十五首

并序

南山之役偶得小詩一十五首書示同懷不及料簡  
銓次夫物與我若有境吾不見其邊憂與樂相過乎  
前不知其所以然此其物化歟亦可以觀矣故寄名  
曰觀化

柳外花中百鳥喧相媒相和隔春煙黃昏寂寞無言語  
恰似人歸鑠管絃

生涯蕭灑似吾廬人在青山遠近居泉響風搖蒼玉珮  
月高雲挿水晶梳

山回路轉水深深欲問津頭谷鳥吟隔岸野花隨意發  
小蹊猶憶去年尋

風煙漠漠半陰晴人道春歸不見形嫩草已侵冰面綠  
平蕪還破燒痕青

一原風俗異衣裘流落來從綿上州未到清明先禁火  
還依桑下繫千秋

事具王延壽千秋賦

故人去後絕朱絃不報雙魚已隔年鄰笛風飄月中起  
碧雲為我作愁天

菰蒲短短未出水渺渺春湖如凍雲安得酒船二萬斛  
棹歌長入白鷗羣

不知喜事在誰邊風結燈花何太妍恐是鄰家醅甕熟  
槽渠今夜響春泉

柳似羅敷十五餘宮腰舞罷不勝扶年年折在行人手  
借問春風管得無

闕

步障三十里攄得南溪躑躅花馬上春風

闕

依稀人摘雨前茶

竹笋初生黃犢角，蕨芽已作小兒拳。  
試尋野菜炊香飯，便是江南二月天。

身入醉鄉如避秦，醒時塵事百端新。  
塞鴻過盡無家信，海燕歸來思故人。

身前身後與誰同，花落花開畢竟空。  
千里追尋兩蝸角，百年得意大槐宮。

淘沙邂逅得黃金，莫便沙中著意尋。  
指月向人人不會，清霄印在碧潭心。

花開歲歲復年年病眼看花隔晚烟  
春去明明紅紫落清風明月是春前

和答王世弼

文章年少氣如虹肯愛閒曹一秃翁  
絃上深知流水意鼻端不怯運斤風  
燕堂淡薄無歌舞鮭菜清貧只韭蔥  
慚愧伯鸞留步履好賢應與孟光同

朱道人下世

桑戶居然同物化青燈猶在讀書檠  
身如陌上狂風過

心似夜來新月明

陳氏園詠竹

不問主人來看竹小溪風物似家林  
春供饋婦幾番笋  
夏與行人百畝陰直氣雖衝雲漢上  
高材終恐斧斤尋  
截竿可舉北溟釣欲贈溪翁誰姓任

和裴仲謀雨中自石塘歸

裴友西來詠古風驅馳萬象筆端空  
尚將物色留分我  
遠近青山煙雨中



次韻裴尉過馬鞍山

青山如馬怒盤旋  
錯認林花作錦韉  
君不據鞍朝玉帝  
豈宜長作市門仙

題蘇才翁草書壁後

并序

才翁題保安寺云  
寺前有古松是數百年物  
余嘗納涼其下  
松今翦伐殆盡  
因感以作詩

老松不得千年壽  
何況高材傲世人  
唯有草書三昧法  
龍蛇夭矯鎖黃塵

哀逝

玉堂岑寂網蜘蛛那復晨粧覲阿姑綠髮朱顏成異物  
青天白日閉黃壚人間近別難期信地下相逢果有無  
萬化途中能邂逅可憐風燭不須臾

迎醇甫夫婦

陳甥歸約柳青初

一作飲  
屠酖

麥隴纖纖忽可鉏望子從來

非一日因人略不寄雙魚園中鳥語勸沽酒窗下日長

宜讀書策馬得行休更秣

一作遠嫁蕭  
威親髮白

已令僮稚割生

芻

一作平安行  
李莫徐徐

河舟晚飲呈陳說道

西風脫葉靜林柯  
淺水扁舟閣半河  
落日遊魚穿鏡面  
中秋明月漲金波  
由來白髮生無種  
豈似青山保不磨  
勝事只愁樽酒盡  
莫言爭奈醉人何

次韻任君官舍秋雨

牆根戢戢數蝸牛  
雨長垣衣亭更幽  
驚起歸鴻不成字  
辭柯落葉最知秋  
菊花莫恨開時晚  
穀穗猶思晴後收

獨立搔頭人不解南山用取一樽酬

題樊侯廟二首

漢興豐沛開天下故舊因依日月明拔劍一卮戲下酒  
剖符千戶舞陽城鼓刀屠狗少時事排闥諫君身後名  
異日淮陰儻相見安能鞅鞅似平生

門掩虛堂陰窈窕風搖枯竹冷蕭蕭丘墟餘意誰相問  
豐沛英魂我欲招野老無知惟卜歲神巫何事苦吹簫  
人歸里社黃雲暮只有哀蟬伴寂寥

題南寺王髯題名處

日華長在紅塵外  
春色全歸綠樹中  
花發鳥啼常走馬  
故人不見酒樽空

和答任仲微贈別

任君洒墨即成詩  
萬物生愁困品題  
清似釣船聞夜雨  
壯如軍壘動秋輦  
寒花籬腳飄金鈿  
新月天涯掛玉簫  
更欲少留觀落筆  
須判一飲醉如泥

和仲謀夜中有感

紙窗驚吹玉蹀躞竹砌碎撼金琅璫蘭缸有泪風飄地  
遙夜無人月上廊愁思起如獨緒繭歸夢不到合懽牀  
少年多事意易亂詩律坎坎同寒螿

睡起二首

時蒲城俠盜  
郡以校見督

簾幕陰陰不見人日斜窗影弄游塵風和睡起鳥聲樂  
天地無私花柳春

古來志士願不辱少在朝廷多在山寄食生涯無定止  
此心長到白雲間

書睢陽事後

莫道睢陽覆我師再興唐祚匪公誰  
流離顛沛義不辱去就死生心自知  
政使賀蘭非長者豈妨南八是男兒  
乾坤震蕩風塵晦愁絕宗臣陷賊詩

一作時

漫書呈仲謀

漫來從宦著青衫秣馬何嘗解轡銜  
眼見人情如格五心知外物等朝三  
經時道上衝風雨幾日樽前得笑談  
賴有同僚慰羈旅不然吾已過江南

登南禪寺懷裴仲謀

茅亭風入葛衣輕，坐見山河表裏清。  
歸燕略無三月事，殘蟬猶占一枝鳴。  
天高秋樹葉公邑，日暮碧雲樊相城。  
別後寄詩能慰我，似逃空谷聽人聲。

次韻答任仲微

邂逅相逢講世盟，諸任尊行各才名。  
交情吾子如棠棣，酒椀今秋對菊英。  
高論生風搖麈尾，新詩擲地作金聲。  
文章學問嗟予晚，深信前賢畏後生。



夏日夢伯兄寄江南

故園相見略雍容，睡起南窗日射紅。

一作相攜猶聽隔溪春睡起開書見

手封詩酒一年談笑隔，江山千里夢魂通。河天月暈魚分

子，槲葉風微鹿養茸。幾度白砂青影裏，審聽嘶馬自揅

筇。

一作白髮倚門愁絕處，  
處可堪衣斷去時縫。

同孫不愚過昆陽

田園恰恰值春忙，驅馬悠悠昆水陽。古廟藤蘿穿戶牖，  
斷碑風雨碎文章。真人寂寞神為社，堅壘委蛇女採桑。

拂帽村帘誇酒好為君聊解一瓢嘗

今昆陽有水俗號  
灰河圖經乃以為

壞河予考之皆不然正在昆陽城南恐  
是昆水地里志言昆水出南儻是乎

寄頓二主簿時在縣界首部夫鑿石塘河

楊柳青青春向分遙知河曲萬夫屯  
侵星部曲隨金鼓帶月旌旗宿渚  
壘畚鍤如雲聲洶洶風埃成霧氣昏昏  
已令訪問津頭路行約青帘共一樽

次韻答蒲元禮病起

暖律溫風何處饒莫言先上綠楊條  
梢頭紅糝杏花發

甕面浮蛆酒齊銷吏事困人如縛虎君詩入手似聞韶  
直須扶病營春事老味難將少壯調

春祀分得葉公廟雙鳧觀

春將祠事出門扉宮殿參差繚翠微清曉風煙迷部曲  
小蹊桃杏掛冠衣葉公在昔真龍去王令何時白鶴歸  
糟魄相傳漫青史獨懷千古對容徽

戲招飲客解醒

破卯扶頭把一盃燈前風味喚仍回高陽社裏如相訪

不用閒攜惡客來

不飲者為惡客  
見元次山集

送陳氏女弟至石塘河

富貴常多覆族憂，賤貧骨肉不相收。  
獨乘舟去值花雨，寄得書來應麥秋。  
行李淮山三四驛，風波春水一雙鷗。  
漫言離別愁難遣，今日真成始欲愁。

闕

頓二主簿不置酒

闕

欵曲

一作四海聲  
名習主簿

歌傾家釀，勿徘徊。

一作相逢

闕

千中半夜分去一歲，無多春斲來落日園林。

關

桃李聽傳盃紅踈綠暗明朝是公事相過

關

孫不愚引開元故事請為移春檻因而贈荅

南陌東城處處春不須移檻損天真鬢毛欲白休辭飲  
風雨無端只誤人鳥語提壺元自好酒狂驚俗未應嗔  
稍尋綠樹為詩社更籍殘紅作醉茵

陳說道約日送菜把

南山疇昔從諸父雨甲煙苗手自鋤三徑就荒歸計拙

溷煩僚友送園蔬

答和孔常父見寄

孔氏文章冠古今君家兄弟況南金  
為官落魄人誰問從騎雍容獨見尋  
旅館別時無宿酒郵筒開處得新吟  
黃山依舊寒相對豈有愁思附七林

傅子集古今事號七林來詩云黃公

山下官牕冷應有新吟續七哀

次韻伯氏謝安石塘蓮花酒

花蘂笑蘂拍酒醇浮蛆相亂菊英新  
寒光欲漲紅螺面

爛醉從歌白鷺巾行樂銜盃常有意過門問字久無人  
王孫欲遣雙壺到如入醉鄉三月春

題雙鳧觀

飄蕭閱世等虛舟

一作人世  
若虛舟

歎息眼前無此流滿地悲

風盤翠竹半叢寒日破紅榴青山空在衣冠古

一作不  
逐市朝

改

白鶴不歸

一作  
歸來

宮殿秋王令平生樽酒地千年萬歲

想來游

從陳季張求竹竿引水入厨

井邊分水過寒廳  
斬竹南溪仗友生  
來釀百壺春酒味  
怒流三峽夜泉聲  
能令官舍庖厨潔  
未減君家風月清  
揮斧直須輕放手  
却愁食實鳳皇驚

呈王明復陳季張

倦客西來厭馬鞍  
為予休轡小長安  
陳遵投轄情何厚  
王粲登樓興未闌  
雪壓羣山晴後白  
月臨千里夜深寒  
少留待我同歸去  
洛下林中斫釣竿

曉從任大夫祖行過石橋寄粹甫



令尹鳴騶過石橋想君寒夢正飄搖追思轉覺年來劇  
亂似春風柳萬條

飲南禪梅下戲題

新春江上使星回不為離人寄早梅愛惜幽香意如此  
一樽豈是等閒來

次韻邵之才將流民過懸帛嶺均田

獨賢從是出荒城下馬攜筇上石層幽洞尋花疑阮肇  
斷崖長嘯想孫登欲超浮世掛冠紱未決重雲撫劍稜

經雨曉煙寒索寞順風樵叟震砢山形春到添高秀  
瀑溜水消轉沸騰行有流移攜襁褓坐看憔悴拾薪蒸  
素餐每愧斯民病改作常為法吏繩官小責輕須自慰  
得逢佳處幾人曾

陳季張有蜀芙蓉長飲客至開輒剪去作詩戲之

剪花莫學韓

闕

令投轄惟聞陳孟公客興不孤春竹葉

年華全屬拒霜叢玄子感迫三秋盡青女摧殘一夜空  
著意留連好風景非君誰作主人翁

再贈陳季張拒霜花二首

鼓盆莊叟賦情濃  
天遣霜華慰此公  
想見尚能迷蝶夢  
移栽聞說自蠶叢  
酒傾玉醴垂連盡  
鱸膾金盤下筯空  
秉燭欄邊連夜飲  
全勝折與賣花翁

倒著接籬吾素風  
當時酩酊似山公  
且看小檻新花蕊  
休泥他家晚菊叢  
顧笑千金延客醉  
解醒五斗為君空  
歡娛盡屬少年事  
白髮欺人作老翁

送杜子卿歸西淮

雪意泔泔滿面風杜郎馬上若征鴻樽前談笑我方惜  
天外淮山誰與同行望村帘沽白蟻醉吟詩句入丹楓  
一時真賞無人共尚憶江南把釣翁

雪中連日行役戲書簡同僚

簡書催出似驅雞聞道飢寒滿屋啼炙背宵眠楮火  
嚼冰晨飯薩波薺風如利劍穿狐腋雪似流沙飲馬蹄  
官小責輕聊自慰猶勝探甲去征西

離汝寄張子

草枯木落晚淒淒  
目斷黃塵聽馬嘶  
想子重行分首處  
荒涼巢父井亭西

次韻元禮春懷十首

漸老春心不可言  
亦如琴意在無絃  
新花準擬千場醉  
美酒經營一百船

春心分付酒盃銷  
勿為浮雲妄動搖  
試覓金張池館問  
幾人能插侍中貂

故園春色常年早  
紅紫知他破幾苞  
壓帽花枝如可折

折花手版直須拋

久無長者回車轍  
仲蔚門牆映野蒿  
稍覺春衣生蟣蝨  
南窗晴日照爬搔

春來問字有誰過  
頗覺閒銷日月多  
醉裏乾坤知清聖  
貧中風物似詩魔

春風也似江南早  
梅與辛夷鬪著花  
自是無言桃李晚

莫嗔榆柳更萌芽

來詩有春  
晚之嘆

穿花蹴踏千秋索  
挑菜嬉遊二月晴  
已被風光催我老

懶隨兒輩遶春城

老杜當年鬢髮華尚言春到酒須賒不堪詩思相料理  
惱亂街頭賣酒家

冉冉光陰花柳場紅飄紫落便驚黃都無畔岸隨風去  
却是游絲意思長

聞道隣家有酒餅三更不臥叩柴扃我身便是鷓鴣槥  
肯學離騷要獨醒

再和元禮春懷十首

并序

元禮蒲君成都之佳少年風調清越好狎使酒頃嘗  
下三峽窺九嶷探禹穴觀濤江故其詩清壯崛奇一  
揮毫數千字澡雪塵翳動搖人心然錢塘江東一都  
會風煙花月不知其幾坊幾曲變否一作恍惚使少

年心醉而忘反元禮蓋入其鄉陷其炙者也今已折  
節自苦恂恂退避從容學問文章然時時酒後耳熱  
稍出其故態而又激於聲詩夫不塞不流不止不行  
此物之情也故極道狹邪游冶之樂江湖契闊之愁



至蕭然疲役不可支持乃反之以正云

回腸無奈別愁煎  
待得鸞膠續斷絃  
最憶錢塘風物苦  
西湖月落採菱船

吳中風物最嬌嬈  
百里春風酒旆搖  
往往貴人留騎從  
少年叢裏貫金貂

行雲行雨迷三峽  
歸鳳求皇振九苞

鳳尾也

月白花紅傾

酒滿不將春色等閒拋

紅紫欲踈啼百勞  
洞宮春色醉蟠桃  
虛窗酒病扶頭起

強取金釵癢處搔

抹

莫八切

裙彩鳳盤宮錦插鬢真珠絡貝多酒惡花愁夢

多魔靈砂屏角費頻魔

一作磨

玉壺耽耽

音擔

浸晴霞庭有三春接續花準擬只無難白

髮金爐誰為煮金芽

雨餘花色倍鮮明最是春深多晚晴美酒壯人如敵國

千金一笑買傾城

風光琰琰動春華回首煙波萬里賒山似翠屏西子國

溪如罨畫越王家

雙盤錦帶丁香結窄袖春衫甘草黃舊贈恐能開寶匣  
新年時候夢殘粧

滯夢停愁亂性靈安眠滅念閉幽局體中忽覺有佳處  
讀易一篇如酒醒

次韻奉和仲謨夜話唐史

貞觀規摹誠遠大開元宗社半存亡才聞冠蓋遊西蜀  
又見干戈暗洛陽哲婦乘時傾嫡后大閹當國定儲皇

傷心不忍前朝事願作元龜獻未央

書舞陽西寺舊題處

并解序

已酉二月按鬪死者於舞陽授館在縣西浮圖食罷  
解衣磅礴壁間得往歲書思拂塵落筆之時觀者左  
右便似數百年事信今夢中強記昔夢耳新物代故  
物如十指相為倚伏抵掌而談縮手入袖遂成前塵  
造形乃悟已非其會矢貫其首方且睨引弓者誰故  
古人嘗眇萬物以為言以為樞始得其環中以應無

窮嗟乎浩浩七年其間興廢成壞所更多矣自其究竟言之誰廢誰興誰成誰壞非見無我非我無見故曰無所見見去言以觀吾言後當有知言者

萬事紛紛日日新當時題壁是前身寺僧物色來相訪我似昔人非昔人

飲李氏園三首

小摘來禽興未厭  
蔬畦經雨綠纖纖  
坐分紫石蒲萄下  
不怕龍鬚冒帽簷

日暮涼風特特來醉呼紅燭更傳杯  
歌闌興盡須歸去不用繁蟬抵死催

手接紅杏醉繁香回首春前夢一場  
便與經營百船酒再來應是菊花黃

宿黃山

平時遊此每雍容掩袂今來對晚風  
白首同歸人不見黃山依舊月明中

題季張竹林村

百畝清陰十萬竿一溪流水四圍山  
太平無用經綸者  
乞與閒身向此閒

次韻答邵之才

文章真向古人踈聊有孤懷與世殊  
陋質不堪華袞贈  
可能薏苡似明珠

呈李卿

歌舞如雲四散飛東園籃輦醉歸時  
細看春色低紅燭  
仰折花枝墜接籬仙李回風轉長袖  
野桃侵雨浸燕脂

夜長晝短知行樂不負君家樂府詩

六月閔雨

湯帝咨嗟懣六事漢庭災異劾三公聖朝罪已恩寬大  
時雨愆期旱蘊隆東海得無冤死婦南陽疑有臥雲龍  
傳聞已減太官膳肉食諸君合奏功

既作閔雨詩是夕遂澍雨夜中喜不能寐起作喜  
雨詩

南風吹雨下田塍田父伸眉願力耕薶麥明年應解好



簾櫳今夜不勝清  
直須洗盡焦枯意  
不厭屢聞飄洒聲  
黃卷腐儒何所用  
惟將歌詠報昇平

公益嘗茶

子雲窗下草玄經  
寒雀爭喧戶晝扃  
好事應無攜酒榼  
相過聊欲煮茶餅

予既不得葉遂過洛濱醉遊累日

癭民見我亦悠悠  
癭木纍纍滿道周  
飛鳥已隨王令化  
真龍寧為葉公留  
不能洗耳箕山去  
且復吹笙洛浦遊

舍故趨新歸有分令人何處欲藏舟

雜詩

迷情淡蕩不知津老却平生夢幻身  
滿眼紛華心寂寞  
長安市上酒家人

曹村道中

嘶馬蕭蕭蒼草黃金天雲物弄微涼  
瓜田餘蔓有荒隴  
梨子壓枝鋪短塙明月風煙如夢寐  
平生親舊隔湖湘  
行行秋興已孤絕不忍更臨山夕陽

漫書呈幾復三首

古人踽踽已先登後學蕭蕭不再興  
顧我尪羸君勉強百年漂忽甚風燈

空名不繫身輕重此道當如命  
廢興髣髴古人如可作解衣捫蝨對青燈

秋蟲振羽驚寒夢河漢西斜夜獨興  
欲罷不能呼子起新涼宜近讀書燈

留幾復飲

幾復平生好能來屈馬蹄愈風觀草檄刮膜受金匱藏  
器時難得忘言物已齊買書聊教子讓粟不謀妻碧草  
迷寒夢丹楓落故溪爾時千里恨且願醉如泥

再留幾復

客興蔽鶉衣囊金罄馬蹄羸驂多斷轡垢髮不勝篋道  
德千年事窮通一理齊晚田猶溉種穉子且歸妻徑欲  
眠漳浦幾成訪剡溪鄙心須澡雪蓮藕在淤泥

謝陳正字送荔枝三首

十年梨棗雪中看想見江城荔子丹  
贈我甘酸三百顆  
稍知身作近南官

齋餘睡思生湯餅紅顆分甘愜下茶  
如夢泊船甘柘雨  
芭蕉林裏有人家

橄欖灣南遠歸客煩將嘉菓送蓬門  
紅衣襪積蠻煙潤  
白曬丁香之子孫

山谷外集卷十三

欽定四庫全書

山谷外集卷十四

宋 黃庭堅 撰

律詩

答龍門潘秀才見寄

男兒四十未全老，便入林泉真自豪。  
明月清風非俗物，輕裘肥馬謝兒曹。  
山中是處有黃菊，洛下誰家無白醪。  
想得秋來常日醉，伊川清淺石樓高。

寄張仲謀次韻

風力蕭蕭吹短衣茅簷霜日淡暉暉天寒塞北鴈行落  
歲晚大梁書信稀湖稻初舂雲子白家雞正有橐頭肥  
割鮮炊黍尋前約公事可來君不違

客自潭府來稱明因寺僧作靜照堂求予作

客從潭府渡河梁籍甚傳誇靜照堂正苦窮年對塵土  
坐令合眼夢湖湘市門曉日魚蝦白隣舍秋風橘柚黃  
去馬來舟爭歲月老僧元不下胡牀



雜詩七首

此身天地一蘧廬  
世事消磨綠鬢疎  
畢竟幾人真得鹿  
不如終日夢為魚

營巢燕燕幾時休  
在處成家春復秋  
歲歲自來還自去  
主人無厭客無求

館甥宮裏歎才難  
當日同朝聽百官  
光武早知堯舜事  
只今那得子陵灘

少年不愛萬金身  
歌舞尋春愁送春  
滿眼紛華心寂寞

長安市上酒家人

薰爐茶鼎偶然同晴日鴉啼柿葉風萬事盡還麴居士  
百年常在大槐宮

古屋清寒雪未銷小窗晴日展芭蕉酸甘荔子嘗春酒  
更碾新芽薦菊苗

碧窗涼簟唯便睡露井無塵蔭綠槐夢入醉鄉猶病渴  
轆轤聲到枕邊來

飲韓三家醉後始知夜雨

醉臥人家久未曾偶然樽俎對青燈兵厨欲罄浮蛆甕

饋婦初供醒酒冰

予常醉後字水晶鱸為醒酒冰酒徒皆以為知言

只見眼前人似月豈知簾外雨如繩浮雲不負青春色  
未覺新詩減杜陵

張仲謨許送河鯉未至戲督以詩

浮蛆琰琰動春醅張仲臨津許鱸材鹽豉欲催蓴菜熟  
霜鱗未貫柳條來日晴魚網應曾照風軟河冰必暫開  
莫誤曉窗占食指仍須持取報章回

和答張仲謨泛舟之詩

雲容天影水中搖，分坐船舷似小橋。  
聯句敏於山吐月，舉觴疾甚海吞潮。  
興來活鬻牛心熟，醉罷紅鑪鴨脚焦。  
公子翩翩得真意，馬蹄塵裏有嘉招。

食瓜有感

暑軒無物洗煩蒸，百菓凡材得我憎。  
蘚井筠籠浸蒼玉，金盤碧筯薦寒冰。  
田中誰問不納履，坐上適來何處蠅。  
此理一盃分付與我，思明哲在東陵。

道中寄公壽

坡陀羸馬暮雲昏  
苦憶兔園高帝孫  
子舍芝蘭皆可佩  
後房桃李總能言  
鞦韆門巷火新改  
桑柘田園春向分  
病酒相如在行役  
梁王誰與共清樽

行邁雜篇六首

簇簇深紅間淺紅  
苦才多思是春風  
千村萬落花相照  
盡日經行錦繡中

白白紅紅相間開  
三三五五踏青來  
戲隨蝴蝶不知遠

驚見行人笑却回

村落人家桃李枝無言氣味亦依依  
可憐憔悴蓬蒿底蜂蝶不知春又歸

杏村桃塢春三月少有人家不出遊  
一顧雖無傾國色千金肯為使君留

滿院青楊吐白絲未多柳絮解漫天  
野人豈會斷優劣只問牀頭沽酒錢

十日狂風桃李休常因酒盡覺春愁  
泰山為肉釀滄海

料得人間無白頭

去賢齋

爭名朝市魚千里觀道詩書豹一斑  
末俗風波尤浩渺  
古人廉陛要躋攀  
蟾蜍怒臂當車轍  
鸚鵡能言著鏤闌  
顧我安知賢者事  
松風永日下簾間

粹老家隔簾聽琵琶

馬卿勸客且無喧  
請以侍兒臨酒樽  
粧罷黃昏簾隔面  
曲終清夜月當軒

一作一曲明妃愁絕塞數聲啄木響春山借一韻

絃絃不亂

撥來往字字如聞人語言千古胡沙埋妙手

一作質豈如

桃李在中園

江南

夢寐江南未得歸清波鷁子上鉤肥五年身屬官倉米  
輸與漁人坐釣磯

道中寄景珍兼簡庾元鎮

傳語濠州賢刺史隔年詩債幾時還因循樽俎踈相見  
棄擲光陰只等閒心在青雲故人處身行紅雨亂花間



遙知別後多狂醉惱殺江南庾子山

次韻景珍酴醿

莫惜金錢買玉英擔頭春老過清明天香國豔不著意  
詩社酒徒空得名及此一時須痛飲已拚三日作狂醒  
濠州園裏都開盡腸斷蕭蕭雨打聲

呈馬粹老范德孺

頴上相逢杏始青爾來瓜壘有新耕四時為歲已中半  
萬物得秋將老成日永清風搖麈尾夜闌飛電落棊枰

兩廳未覺過從數政以碩疎累友生

謝張仲謀端午送巧作

君家玉女從小見聞道如今畫不成剪裁似借天女手  
萱草石榴偏眼明

送張子列茶

齋餘一椀是常珍味觸色香當幾塵借問深禪長不臥  
何如官路醉眠人

三月壬申同

闕

觀淨名寺經藏得弘明禁

中沈炯同庾肩吾諸人游明慶寺詩次韻奉呈二

公驚道三層塔巷園一重堂馴鳥逐齋磬狎獸繞  
禪牀摘菊山無酒然松夜有香幸得聞高勝於

此憲

空王

祕藏開新譯天花雨舊堂證經多寶塔寢疾淨明牀烏

語雜歌頌蛛絲凝篆香同游得趙李談道過何王

凝一作疑

雨過至城西蘇家

飄然一雨洒青春九陌淨無車馬塵漸散紫煙籠帝闕  
稍回晴日麗天津花飛衣袖紅香濕柳拂鞍韉綠色勻

管領風光唯痛飲都城誰是得閒人

謝仲謀示新詩

贈我新詩許指瑕令人失喜更驚嗟清於夷則初秋律  
美似芙蓉八月花采菲直須論下體鍊金猶欲去寒沙  
唐朝韓老誇張籍定有雲孫作世家

十月十五早飯清都觀逍遙堂

心遊魏闕魚千里夢覺邯鄲黍一炊疏食菜羹吾亦飽  
逍遙堂下葉辭枝

紅蕉洞獨宿

南牀高臥獨逍遙，真感生來不易銷。  
枕落夢魂飛蛺蝶，燈殘風雨送芭蕉。  
永懷玉樹埋塵土，何異蒙鳩掛輦轎。  
衣笕粧臺蛛結網，可憐無以永今朝。

春雪呈張仲謀

暮雪霏霏若散鹽，須知千隴麥纖纖。  
夢闌半枕聽飄瓦，睡起高堂看入簾。  
剩與月明分夜砌，即成春溜滴晴簷。  
萬金一醉張公子，莫道街頭酒債添。

和答劉太博攜家遊廬山見寄

緩轡松陰不起塵  
嵐光經雨一番新  
遙知數夜尋山宿  
便是全家避世人  
落日已迷煙際路  
飛花還報洞中春  
可憐不更尋源入  
若見劉郎想問秦

次韻伯氏戲贈韓正翁菊花開時家有美酒

鬢髮斑然潘騎省  
腰圍瘦盡沈東陽  
茶甌屢煮龍山白  
酒椀希逢若下黃  
烏角巾邊簪鈿朶  
紅銀盃面凍糖霜  
會須著意憐時物  
看取年華不久芳

答李康文

才甫經年斷來往逢君車馬慰秋思  
幽蘭被逕聞風早薄霧乘空見月遲  
每接雍容端自喜交無早晚在相知  
深慙借問談經地敢屈康成入絳帷

送彭南陽

南陽令尹振華鑣三月春風困柳條  
攜手河梁愁欲別離魂芳草不勝招  
壺觴調笑平民訟賓客風流醉舞腰  
若見賢如武侯者為言來仕聖明朝

送鄧慎思歸長沙覲省

鄧侯過我解新韉  
潦倒猶能似舊時  
西邑初除折腰尉  
南陔常詠采蘭詩  
姓名已入飛龍榜  
書信新傳喜鵲知  
何日家庭供一笑  
綠衣便是老萊衣

從時中乞蒲團

織蒲投我最宜寒  
正欲陰風雪作團  
方竹火爐趺坐穩  
何如矍鑠跨征鞍

戲答諸君追和予去年醉碧桃



當時倒著接羅回不但碧桃邀我來白蟻撥醅官酒滿  
紫綿揉色海棠開

雪後登南禪茅亭簡張仲謀二首

雪後憑高望洛都萬峯遮眼白模糊相將閭苑樓臺上  
展盡山陰水墨圖

風入村墟搖酒旆雲埋行徑罷樵蘇狐裘年少宜追獵  
正有飢鷹待一呼

景珍太博見示舊唱和蒲萄詩因而次韻

映日圓光萬顆餘如觀寶藏隔蝦鬚夜愁風起飄星去

曉喜天晴綴露珠宮女揀枝摸錦繡論

一作包

師持味比

醍醐欲收百斛供春釀放出聲名壓酪奴

喜念四念八至京

朔雪蕭蕭映薄幃夢回空覺淚痕稀驚聞庭樹鳥烏樂  
知我江湖鴻鴈歸拂榻喜開姜季被上堂先著老萊衣  
酒樽煙火長相近酬勸從今更不違

次韻伯氏寄贈蓋郎中喜學老杜之詩

老杜文章擅一家國風純正不敍斜帝閭悠邈開關鍵  
虎穴深沈探爪牙千古是非存史筆百年忠義寄江花  
潛知有意升堂室獨抱遺編校舛差

蓋郎中惠詩有二強攻一老不戰而勝之嘲次韻

解之

詩翁琢句玉無瑕淡墨稀行秋鴈斜讀罷清風生塵尾  
吟餘新月度簷牙自知拙學無師匠要且強

一作  
言遮

眼花筆力有餘先示怯真成句踐勝夫差

和呂秘丞

北海尊中忘日月南山霧裏晦文章清朝不上九卿列  
白髮歸來三徑荒車轍馬蹄踈市井花光竹影照門牆  
人間榮辱無來路萬頃風煙一草堂

雜詩四首

扁舟江上未歸身明月清風作四鄰觀化悟來俱是妄  
漸踈人事與天親

佛子身歸樂國遊至人神會碧天寥劫灰沈盡還生妄

但向平沙看海潮

小德有為因有累至神無用故無功須知廣大精微處  
不在存亡得失中

黃帝煉丹求子母神農嘗藥辨君臣如何苦思形中事  
憂患從來為有身

次韻子高即事

詩禮不忘它日問文章未覺古人疎青雲自致屠龍學  
白首同歸種樹書綠葉青陰啼鳥下游絲飛絮落花餘

無因常得杯中物願作鴟夷載屬車

次韻寄藍六在廣陵

聖學相期滄海頭當時各倚富春秋班揚文字初無意  
滕薛功名自不優焦尾朱絃非衆聽南山白石使人愁  
傳聲為向揚州問相憶猶能把酒不

再和寄藍六

南極一星淮上老承家令子氣橫秋萬端只要稱心耳  
五鼎何如委吏優海燕催歸人作社江花欲動雨含愁

追思二十年前會常棣飄零歎鄂不

一作歎白頭頃從  
廉叔諸兄游今皆

凋落

### 戲書效樂天

造物生成稔叔嬾好人容縱接輿狂鳥飛魚泳隨高下  
蟻集蜂衙聽典常母惜此兒長道路兄嗟子弟困冰霜  
酒壺自是華胥國一醉從他四大忙

### 余成詩

并序

役者余成忠信不二執鄙事八年未嘗見其過其畏

得而好德畏不善而慎罰躬行而心安樂問其部位  
蓋自其少時至於今行年六十矣猶一日也察其私  
持廉甚謹而遠名吾嘗與僚友論其人雖古之學問  
士大夫木強而厚於德如第五公胡威未能遠過也  
此其人豈子夏所謂雖曰未學吾必謂之學矣者乎  
吾貧不能脫其役與之同歸江湖之上作詩以識愧  
丹籍生涯無列鼎白頭忠信可專城自非車騎將軍勢  
愧使王尼常作兵

晉王尼為兵大將軍幕府洛中名士  
王澄胡毋輔之皆與尼交將軍聞之



因與尼長假遂得

離兵尼字季孫

寄張仲謀

好在張公子清秋應苦吟  
衣穿慈母線囊罄旅人金  
早晚辭天闕歸來慰陸沈  
黃花一樽酒期與爾同斟

次韻春遊別說道二首

愁眼看春色城西醉夢中  
柳分榆莢翠桃上竹梢紅  
燕濕社翁雨鶯啼花信風  
別離感貧賤殷子正書空

青春倚江閣萬象客愁中  
江水不勝綠簷花無賴紅  
敲

斜半簾日留滯一帆風攜手離筵上清樽不易空

講武臺南有感

月明猶在搭衣竿曉踏臺南路屈盤騶子雨中先馬去  
村童煙外倚牆看鴉啼宰木秋風急鷺立漁船野水乾  
花似去年堪折贈插花人去淚闌干

孫不愚索飲九日酒已盡戲荅一篇

滿眼黃花慰索貧可憐風物逐時新范丹出後塵生釜  
郭泰歸來雨墊巾偶有清樽供壽母遂無餘瀝及他人

年豐酒價應須賤為子明年作好春

辱粹道兄弟寄書久不作報以長句謝不敏

病癖無堪吾懶書交親情分豈能踈深慙煙際兩鴻鴈  
遺我罾中雙鯉魚故國青山常極眼今年白髮不勝梳  
幾時得計休官去筍葉闕同趣虛

和知命招晁道夫叔姪

過我諸公子寂寥非世娛茶須親碾試酒可倩行沽日  
永烏皮几窗寒竹火爐不來尋翰墨僮僕解挪揄

再次韻戲贈道夫

名教自樂地思君相與娛囊錐見末疾櫝玉待時沾雨  
歇鳴鳩樹薰銷睡鴨爐不來應夢起子學闕 掄

秋思

椎牛作社酒新篘扶老將兒嬉隴頭木落人家見雞犬  
曉寒溪口在汀洲無功可佩水蒼玉卒歲空思狐白裘  
身到楚儉非屈宋顧慙疎懶作悲秋

希仲招飲李都尉北園

曉踏驂騑傍古牆北園同繫紫游韉  
主人情厚杯無筭  
別館春深日正長楊柳陰斜移坐晚  
醺醺花暗染衣香  
夜深恐觸金吾禁走馬天街趁夕陽

過西山

新春木葉未蒙籠西望天涯幾日通  
商洛山間白雲起  
行歌思見採芝翁

夜聞鄰舟崔家兒歌

半夜聞歌客寢驚空餘縹緲渡江聲  
湘妃舞罷波紋冷

月欲銜山天未明

重答

莫恠東牆擲果頻  
沈郎眉宇正青春  
自言多病腰圍減  
依舊瓊林照映人

鴻溝

此詩止子產廟乃和李秀才四絕  
句山谷晚年獨取楊朴墓一首

英雄並世不相容  
割據山川計亦窮  
溝水已東全入漢  
淮陰誰復議元功

裴晉公書堂

裴公入相便論兵躍馬淮西一戰平黃閭不須金印好  
却來山下作書生

子產廟

區區小鄭多君子誰若公孫用意深監巫執節誅腹誹  
不除鄉校獨何心

見二十弟倡和花字漫興五首

落絮遊絲三月候風吹雨洗一城花未知東郭清明酒  
何似西窗穀雨茶

官駝鳴鐸逐鹽車只見風塵不見花  
空作江南江北夢  
辛夷躑躅倚山茶

睡起草玄三畝宅無人送酒眼昏花  
不知誰勸路門講  
天上日長坐賜茶

鄴城也似洛城闊

闕

園林學養花欲把一樽隨飲處

闕

處處鎖官茶

池面白魚吹落絮

闕

退枯花無因光祿賜官酒

且學潞公灌蜀茶



九日對菊有懷粹老在河上四首

後二首為琵琶女奴作

月邀棊約屢登臺學省公廳只對街九日菊花孤痛飲  
百端人事可安排

黃花節晚猶可惜青眼故人殊未來金蕊飛觴無計

闕

香鈿滿地始應回

憶得舊時重九日紫萸黃菊壓梳釵寒花有意催垂淚  
喜鵲無端屢下堦

碧窗閒殺春風手古柳啼鶯幾日回縱有黃花堪對酒

應無紅袖與傳杯

贈謝敞王博喻

高哉孔孟如秋月萬古清光仰照臨千里特來求驥馬  
兩生於此敵黃金文章最忌隨人後道德無多只本心

闕軫斷弦塵漠漠起予

闕

伯牙琴

和荅郭監簿詠雪

細學梅花落晚風輕翻柳絮下春空家貧無酒願鄰富  
官冷有田知歲豐夜聽枕邊飄屋瓦夢成江上打船蓬

覺來幽鳥語聲樂疑在白鷗寒葦中

直舍寄陳子惠

廣文賔退下簾重涼氣微生筆硯中不得朱絃寫流水  
綠槐陰合鳥呼風

和庭誨雨後

小霽臥觀書涼軒夏簟舒天青印鳥跡雲黑卷犀渠新  
月來高樹清風轉廣除雨師真解事一為洗空虛

和庭誨苦雨不出

端舌廣文舍暑服似純綿綠竹塵蒙合紅榴日炙蔦披

襟風入幌灑面雨連天莫惜角巾墊勤來坐馬韉

老杜有兒

去看魚筍人來

坐馬韉之句

次韻庭誨按秋課出城

風鳴落意地露著晚瓜田官道奔車氣經家煮棗煙穫  
人歌桎桎公子騎翩翩旁舍來高隱明秋願有年

大風

霜重天高日色微顛狂紅葉上堦飛北風不惜江南客

更入破窗吹客衣

題司門李文園亭

白氏草堂元自葺陶家三徑不教荒  
青蕉雨後開書卷黃菊霜前碎鵲  
裳落日看山凭曲檻清風談道據  
胡牀此來遂得歸休意却莫翻然  
起相湯

南屏山

以下九首次韻  
和臺源諸篇

甃積藍光刻削成主人題作正南屏  
身更萬事已頭白相對百年終眼青  
煙雨數峯當隱几林塘一帶是中庭

紅塵車馬無因到石壁松門本不扃

七臺峯

欲雕佳句累層巒深愧揮斤斲鼻端作者七人俱老大  
昂藏却立古衣冠千年避世市朝改萬籟入松溪澗寒  
我有號鐘鎖蛛網何時對汝發清彈

七臺溪

先生行樂在清溪滿世功名對畫脂一道寒波隨眼淨  
百年高柳到天垂昔人無處問誰氏遺礎有情猶舊基

猿鶴至今煙慘淡，賢愚俱盡水漣漪。  
四時相及漏催滴，萬事不疑冰泮澌。  
聊欲烹茶羹杞菊，身如桑苧與天隨。

疊屏巖

簞竹參天無人行，來游者多蹊自成。  
石屏重疊翡翠玉，蓮蕩宛轉芙蓉城。  
世緣遮盡不到眼，幽事相引頗闕情。  
一爐沈水坐終日，喚夢鶉鴒相應鳴。

靈壽臺

藤樹誰知先後生，萬年相倚共枯榮。  
層臺定自有天地。

鼻祖已來傳父兄虎豹文章藏霧雨龍蛇頭角聽雷聲  
何時暫取蒼煙策獻與本朝優老成

仙橋洞

橫閣晴虹渡石溪幾年鑰鎖鎮瑤扉洞中日月真長久  
世上功名果是非叱石元知牧羊在爛柯應有看棋歸  
若逢白鶴來華表識取當年丁令威

靈椿臺

固蒂深根且一丘少時嘗

闕

堂柱



幾歲經營江漢洲終以不才名四海果然無禍閱千秋  
空山萬籟月明底安得閒眠石枕頭

雲溪石

造物成形妙畫工地形咫尺遠連空蛟鼉出沒三萬頃  
雲雨縱橫十二峯清坐使人無俗氣閒來當暑起清風  
諸山落木蕭蕭夜醉夢江湖一葉中

羣玉峯

洞天名籍知第幾洞口諸峯蒼翠堆雕虎嘯風斤斧去

飛簾吹雨曉煙回日晴圭角升虹氣月冷明珠割蚌胎  
種玉田中飽春筍仙人憶得早歸來

寄題瑩中野軒

開軒城市如村落人似往時陳太丘暄景半窗行野馬  
雨寒踈竹上闕平生江海心猶在退食詩書吏罷休

闕

力必知耆舊想風流

觀叔祖少卿奕棊

世上滔滔聲利間獨憑棊局老青山心遊萬里不知遠

身與一山相對閒夜半解圍燈寂寞樽前翻却酒欄珊  
因觀勝負無常在生死

闕

不闕

窗日

歎息西窗過隙駒微陽初至日光舒

闕

長宮中線

添得思堂一卷書

次韻郭明叔登縣樓見思長句

令尹登臨多暇日杖生芝菌筆生埃溪橫鳳尾寒光去  
山擁旌陽翠氣來晚市張燈明遠近

闕

留客舞徘徊

紅裳珠履知多在點檢惟無

關秀才

銅官僧舍得尚書郎趙宗閔墨竹一枝筆勢妙天

下為作小詩二首

省郎潦倒今何處敗壁風生霜竹枝滿世

關

專翰

關

誰為真賞拂蛛絲

獨來野寺無人識故作寒崖雪壓枝想得平生藏妙手

只今猶在鬢如絲

曉出祥符趨府

朝霞藻繪舜衣裳天碧山青認赭黃憶得御爐煙直下  
紫宸辭罷過宮廊

夜觀蜀志

蓋世英雄不自知暮年初志各參差南陽隴底臥龍日  
北固樽前失著時霸主三分割天下宗臣十倍勝曹丕  
寒爐夜發塵書讀似覆輸籌一局碁

戲答龍泉余尉問禪二小詩

重簾複幕鎖蛾眉銀燭金荷醉舞衣長為扶頭欠斗酒

不闌禪病減腰圍

翻頭作尾掉枯藤  
臘月花開更造冰  
何似清歌倚桃李  
一爐沈水醉紅燈

戲贈元翁

從來五字弄珠璣  
忍負僧牀鎖翠微  
傳語風流三語掾  
何時綴我百家衣

行役縣西喜雨寄任公漸大夫

行役勞人望縣齋  
心如枯井喜塵埃  
青燈簾外蕭蕭雨

破夢山根殷殷雷新麥欲連天際好濃雲猶傍日邊來  
田歌已有豐年意令尹眉頭想豁開

戲題水牯菴

水牯從來犯稼苗着繩只要鼻穿牢行須萬里無寸草  
臥對十方一作千峯同一槽租稅及時王事了雲山橫笛月  
輪高華亭浪說吹毛劍不見金牛可下刀

癸亥立春日煮茗於石屯寺見庚戌中盛二十舅  
中叔為縣時題名歎此寺不日而成哀縣學弊而

不能復

中叔風流映江左當年桃李自光輝看成佛屋上雲雨

不忍學宮荒蕨薇人物深藏青白眼

中叔曾中人物了而未嘗危言劇

論

官聯曾近赭黃衣蛛絲柱後惠文暗憔悴今乘別駕

歸

招戴道士彈琴

春愁如髮不勝梳酒病緜緜困未蘇欲聽淳音消妄想

抱琴端為一來無



延壽寺見紅藥小魏揚州號為醉西施

醉紅如墮珥柰此惱人香政爾無言笑未應吳國亡

臨江寺僧以金線猿皮蒙裴几

蒙茸冒枯几想像掛霜枝永矢金衣友文章安用為

送君庸

北風吹雨薄寒生人與臘梅相照明恨君草草渡江去

重約歸時舞鳳笙

北園步折梅寄君庸

林中破笑派雪雨不著世間笑粉塵覆立曉風香滿袖  
無人同詠一枝春

一夕風雨花藥都盡唯有晞發一叢濯濯得意戲

題

是日丙午  
四月朔

紅藥山丹逐曉風春榮今到晞發叢朱顏頗欲辭鏡去  
黃葉掘根儻見功

漫興

肉食傾人如出凡藜羹賦我是朝三曉來不倦聽衙鼓

雲裏捲簾山正南

寄劉泗州

萬馬千艘要路津  
禪翁新畫兩朱輪  
行春定得忘言對

金碧浮圖何姓人

一作國人

次韻答任仲微

伯氏文章足起家  
鴈行惟我乏芳華  
不堪黃綬腰銅印  
只合清江把釣車  
縮項魚肥炊稻飯  
扶頭酒熟臥蘆花  
吳兒何敢當倫比  
或有離騷似景差

何主簿蕭齋郎贈詩思家

善吟閨怨斷人腸二妙風流不可當  
傳粉未歸啼玉筋  
吹笙無伴澁銀篴睡添鄉夢客牀冷  
瘦盡腰圍衣帶長  
天性少情詩亦少羨他蕭史與何郎

次韻和魏主簿

梅蕊觸人意繞枝三四旋  
玄冥與之笑青帝不爭權  
簾晚壽陽醉雲深姑射眠  
愁蛾英半落嬌靨齒初圓  
短簿吹羌笛諸郎宴洞天  
官樓仇覽棘才拍翰林肩  
風力能

冰酒霜威欲折綿錦衾寒有恨花信遠難傳飲罷鍾催  
曉詩成律換年餘香勤管領莫厭屢中賢

南安試院無酒飲周道輔自贛上攜一榼時時對  
酌惟恐盡試畢僕夫言尚有餘樽木芙蓉盛開

戲呈道輔

聞說君家好弟兄窮鄉相見眼俱青偶同一飯論三益  
頗為諸生醉六經山邑已催乘傳馬曉窗猶共讀書螢  
霜花留得紅粧面酌盡齋中竹葉餅

贈清隱持正禪師

清隱開山有勝緣  
南山松竹上參天  
擬開華岳三峯手  
參得浮山九帶禪  
水鳥風林成佛事  
粥魚齋鼓到江船  
異時折脚鐺安穩  
更種平湖十頃蓮

次韻公擇雨後

二聖勤民損膳羞  
雨餘今見角田秋  
碧酒尚堪遮眼醉  
紅榴不解替人愁

山谷外集卷十四